

HABACUC

(Abacú)

**Abacú rü naxcax nidexa
nax chixexü ngupetüxü**

1 ¹Ñaa nixí ga yema ore ga Cori ya
Tupana rü orearü uruxü ga
Abacúxü nawéxü. ²Rü nüma ga Abacú
rü ñanagürü: —Pa Corix
¿ñuxguxüratáta nixí i choxü cuxñüxü
nax yexüürü tagaäcü cuxna
chacaechaxü nax toxü curüngüxëxüçax
natürü i cuma rü tama choxü cuxñü?
¿Rü ñuxguxüratáta i tagaäcü cumaxã
nüxü chixuechaxü naxcax nax
yanaxoxüçax i ngëma dai i totanüwa
ngëxmaxü natürü i cuma rü tama nua
cuxü nax nawa toxü ícunguxüxëxüçax?
³¿Rü tüxcüü choxü nüxü cudauxëxë i
ñaax taxü i guxchaxü rü chixexü i
guxüwama ngëxmaxü? Rü choxü
ínachomaegu i duüxügü i chixexü
ügüxü rü máetagüxü. Rü guxüwama i
duüxügü rü nügümaxã nanue rü nügü
nadaí. ⁴Rü duüxügü rü tama aixcüma
nagu namaxë i ngëma tochixüanearü
mugü. Rü ngëma mugü i duüxügüétüwa
idexaxü rü tama naga naxñüe. Rü
ngëma duüxügü i chixri maxëxü rü tüxü
napoxcu ya yíxema mexü ügüxe. Rü

ngëmaäcü ínayatóxëëgü i ngëma
aixcüma wëxguxü —ñanagürü.

Cori ya Tupanaarü ngäxüga

⁵Rü nüma ga Cori ya Tupana rü
Abacúxü nangäxü rü ñanagürü:
—iDüçax, nüxü pedau i ngëma
nachixüanegü i pexü íchomaeguächixü
nax taxacü nüxü ngupetüxü! iRü nüxü
pedau rü pebäixächie! Erü ngëma tá
chaxüxü rü pema rü taxüchima
peyaxögü woo ega texé pemaxã nüxü
ixuxgu. ⁶Rü choma rü tá
ichanachigüxëxë i ngëma
Cadéuanecüäxgü (i Babiróniaanecüäx)
nax guxüwama dai naxügüxüçax. Rü
nümagü rü duüxügü i tama togü i
duüxügüxü ngechaügüxü nixīgü, rü
ínamemaregü nax nayauxanegüaxüçax i
ngëma naanegü i tama noxrü ixixü
—ñanagürü ga Tupana.

.....

**Abacú rü wenaxarü
Tupanamaxã narüxutaga**

¹²—Düçax, Pa Corix, Pa Chorü
Tupanax ¿tama ëxna i cuma i
guxüguma cunxemaechaxü? Erü cuma

rü üüñecü rü taguma yucü quixĩ. Pa Corix, Pa Chorü Poxũruxũx, cuma nixĩ i pora nüxna cuxãxũ i ngẽma Cadẽugũ nax nawa cuyanguxẽẽxũcax i ngẽma curũ poxcu i toxçax ixĩxũ. ¹³Rü cumax, Pa Tupanax, nax aixcũma üüñecü nax quixĩxũ rü tama yaxna namaxã cuxĩnũ i ngẽma chixexũ rü tama namaxã cutaãxẽ i ngẽma duũxũgũ i chixexũ ügũxũ. ¿Rü ñuxũcũrüwa i cunangexrũ rü taxu ñacurũgũmare i ñuxma nax toxũ nadãxũ i ngẽma Cadẽuanecũãxgũ i tori yexera chixexũ ügũxũ? —ñanagũrũ ga Abacũ.

.....

**Ore ga Cori ya Tupana
Abacũxũ nüxũ cuqẽẽxũ**

2 ¹Rü nüma ga Abacũ rü ñanagũrũ: —Choma rü ñoma wũxi i dauxũtaexũrũxũ tá ichaxuãxẽ, rü tá ichadawenũ nax ngẽmaãcü nüxũ chacuãxũcax rü taxacũmaxã choxũ nangãxũ ya Tupana naxçax i ngẽma nax namaxã charũxutagaxũ —ñanagũrũ. ²Rü nüma ga Cori ya Tupana rü choxũ nangãxũ rü ñanagũrũ: —iWũxi i mürapewatachinũgu naxũmatũ i ngẽma tá cuxũ chawẽxũ nax ngẽmaãcü tauxchaãcü duũxũgũ nüxũ daumatũxũcax! ³Rü ñuxma rü taxũta nawa nangu nax yanguxũ ga yema cuxũ chawẽxũ. Natürũ taxũtãma nangupetũmare nax yanguxũ. iCumax rü mea ñanguxẽxẽ ega woo tama paxa yanguxgu! Erũ aixcũma tá ningu i ngẽxguma norũ ngunexũwa nanguxgux. ⁴iRü naxũmatũ i ñaa ore! “Ngẽma duũxũgũ i chixexũ ügũxũ rü nügũ nicuãxũxũgũ. Natürũ yĩxema

chopexewa imexe rü tá tamaxẽ erũ chomaxã tixaixcũmagũ” —ñanagũrũ ga Tupana.

.....

Ngẽma Cadẽucũãxgũmaxã tá ngupetũxũ

⁸Dũcax, Pa Cadẽucũãxgũ, pema rü muxũma ga nachixũãnegũmaxã poraãcü chixexũ pexũ, rü penadeãcu ga norũ ñanegũ. Natürũ i ñuxmax rü ngẽma nachixũãnegũ rü tá pexçax nügũ nanutaquẽxe rü tá nüxĩ perũ ñanegũ nadeãcugũ yema pema penadeãcuxũrũxũ. Rü ngẽmaãcü tá nüxũ peyangutanũxẽxẽ ga yema máeta ga norũ ñanegũwa pexũxũ.

.....

¹²Rü wũxi i taxũ i ãũcũmaxũwa pengexmagũ, Pa Cadẽucũãxgũx, yerũ penadai ga duũxũgũ rü penapuxũ ga norũ yemaxũgũ nax yemaacũ perũ ñanegũ pexũgũxũcax. ¹³Rü napexewa ya Cori ya Tupana ya guxãetũwa ngẽxmacũ rü ngẽma perũ puracũ i nagu pipaexũ rü natũcaxmamare nixĩ. Erũ guxũma i ngẽma pexũxũ rü üxũwa tá nayagu.

.....

²⁰Natürũ nüma ya Cori ya Tupana rü napata ya üüñenewa nangexma. Rü guxãma i pema i ñoma i naanecũãx rü name nixĩ i napexewa pechianegũmare.

Abacũarũ yumũxẽ

3 ¹Rü ñaa nixĩ ga norũ yumũxẽ ga orearũ uruxũ ga Abacũ: ²“Pa Corix, Pa Tupanax, rü ngẽma nüxũ chaxĩnũxũ i cuchiga rü nachiga ga guxũma ga yema cuxũxũ rü poraãcü choxũ nagu narũxĩnũxẽxẽ nax ñuxãcü cuxũüñexũ. iRü

torü maxüwa naxü i ngëma mexü ga yema üpa cuxüxü nax ngëmaäcü i toma rü ta nüxü tacuáxüçax! Rü woo tomaxã nax cunuxü natürü itoxü nawexama nax ñuxäcü cuxü tangechaütümüxüügüxü! ³Rü nüxü chadau ya Cori ya Tupana i Temáüanewa ne naxüxü nawa ya yima Paráüariü maxpüne. Rü daxügüxü i naane rü norü üünemaxã nanapá. Rü guxü i ñoma i naanewa rü nüxü nicuaxüxüügü. ⁴Rü iyaüxracüemagu ngëma ne naxü. Rü naxmexwa ínaxüxü i omüema. Rü ngëmawa nangox i ngëma norü pora.

.....

¹³Rü cuma rü dauxüwa ícuxüxü nax curü duüxügüxü ícupoxüxüçax, rü nüxü nax curüngüxëxüçax ya yimá äëxgacü ya cumatama nüxü cuxunetacü. Rü cuma rü cuyamax i ngëma duüxü i chixexü üxü ñoma wüxi ya ípatagu ipogüxüxüxü.

.....

¹⁶Rü yexguma nüxü chaxñügu ga yema äücümaxü ga cuxüxü rü chamuü,

rü poraäcü chiduxruchicüra. Rü taxucürüwa ichachi rü guxüma i chauxune rü inayaturaächí. Natürü woo ngëmaäcü nax yixixü rü mea tá íchananguxëxë i ngëma ngunexü i Tupana tá nagu guxchaxü naxçax ínguxëxü i ngëma churaragü i chixexü tamaxã ügüxü. ¹⁷⁻¹⁸Rü woo i ngëma iguéra rü yangechacugu, rü woo i ngëma úba rü ngëma oríbu rü nangearü oõxgu, rü ngëma naanegü rü taxuxüma nawa rüxüxgu, rü woo nayuegu i ngëma carnérugü i nachitaüwa, rü marü nataxuxguma i ngëma wocagü i naxpüüwa, natürü i chomax rü Cori ya Tupana ya chorü maxëëruümaxã tá chataäxë. ¹⁹Erü nüma ya Cori ya Tupana rü pora choxna naxã, rü ñoma wüxi i cowü i poraxürüxü choxü naporaxëxë. Rü wüxi ya maxpüneétiwa tá choxü naga rü ngéma tá choxna nadau nax taxuxüma choxü naxüpetüxüçax.”